

**Nammineq kissaatiginngisaminnik meerartaarsinnaanngitsut Qallunaat Nunaanni IVF aamma ICSI-mik ikiorserneqarsinnaanngorlugit angalanermullu, najugaqarnermut, misissortinnermut aammalu ikiorserneqarnermut aningaasartuutit peqqinnissaqarfimmiit akilerneqartarnissaannik neqerooruteqartoqartalernissaa pillugu Naalakkersuisut peqquneqarnissaanik Inatsisartunut aalajangiiffigisassatut siunnersuut. Tamatumani siunertaralugu nammineq kissaatiginngisamik meerartaarsinnaanngitsut ilaqutariinnut inuiaqatigiinnullu iluaqutaasussamik nuannaarutaasussamillu meerartaarsinnaanngornissaat.**  
*Inatsisartunut Ilaasortaq Anna Wangenheim, Demokraatit*

pillugu

**Ilaqutariinnermut Peqqissutsimullu Ataatsimiititaliap**

**siunnersuutit aappassaaneerreqarnerannut**

**ISUMALIUTISSIISSUTAA**

Ataatsimiititaliaq suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, siulittaasoq  
Inatsisartunut ilaasortaq Bjørk L. Kristensen, Demokraatit, siulittaasumut tulluigallartoq  
Inatsisartunut ilaasortaq Hans Peter Poulsen, Siumut  
Inatsisartunut ilaasortaq Mikivsuk Thomassen, Inuit Ataqtigiiit  
Inatsisartunut ilaasortaq Eqaluk Høegh, Inuit Ataqtigiiit  
Inatsisartunut ilaasortaq Dines Mikaelson, Siumut  
Inatsisartunut ilaasortaq Emanuel Nüko, Naleraq

UPA2022-imi 9. november 2022-imi siullermeerinerup kingorna siunnersuut ataatsimiititaliap misissorpaa.

### **Siunnersuutip imarisaa siunertaalu**

Nammineq kissaatiginngisamik meerartaarsinnaanngitsut angalanermut, najugaqarnermut, misissortinnermut ikiorserneqarnermillu peqqinnissaqarfimmit akilerneqartarnissaat siunnersuuteqartup siunnersuuteqarnermigut kissaatigaa.

**Siunnersuutip Inatsisartunit siullermeerneqarnera**

Nammineq kissaatiginngisamik meerartaarsinnaannginnermik eqqugaasut periarfissaasa pitsanngorsarneqarnissaasa pisariaqartinneqarnera pillugu siullermeerinninnermi isumaqatigiissutigineqarpoq.

**Siunnersuutip aningaasatigut kingunerisassai**

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasaqarnikkut allaffissornikkullu kingunerisassat siunnersuummi tunngavilersuutitut allaaserineqassasut.

Siunnersuutip piviusunngortinneqarnissaanut ukiumut 6.000.000 kr.-inik aningaasartuutaanissaa siunnersuuteqartup missingersorpaa. Ikiorserneqarnissamik pisariaqartitsisut ukiumut amerlassusaat naapertorlugit aningaasat nikerarsinnaaneri aammalu neqeroorut piviusunngortinneqassappat ullumikkut aningaasartuutit ukiumut 8.750.00 kr.- issaat Naalakkersuisut naatsorsuutigigaat ataatsimiititaliamit matumunnga atatillugu oqaatigineqassaaq.

**Allakkatigut apeqquteqaatit**

Ataatsimiititaliap siunnersuummik suliaqarnerminut atatillugu apeqqutinik arlalinnik Meeqqanut, Inuusuttunut, Ilaqutariinnut, Peqqissutsimullu Naalakkersuisumut nassiussaqarpoq. Apeqqutit akissutillu isumaliutissiisummut ilanngussaq 1-itut ilanngunneqarput.

**Ataatsimiititaliap siunnersuummik suliarinninnera**

Taamani aningaasanut inatsisissamut isumaqatigiinniarnermut atatillugu apeqqut saqqummiunneqartoq Naalakkersuisut akissuteqaataanni allassimasoq aallarniutigalugu ataatsimiititaliamit maluginiarneqarpoq. neqeroorutip atuutileqqinnissaa partiit tamarmik kissaatigigaat, atuutilerseqqinneqarsimannginneranulli aningaasat amigaataasimasut ataatsimiititaliap aamma maluginiarpaa.

Taamani neqeroorutaasimasoq 2019-imi unitsinneqartoq assigiinngisititsinermik kinguneqarsimasoq ataatsimiititaliap isumaqatigaa, aappariimmi angalanissaminnut najugaqarnissaminnullu akissaqanngitsut aningaasassaqaannginnertik pissutigalugu neqeroorutigineqartoq itigartittariaqartarsimammassuk. Taamaattumik aallaavittut innuttaasunut naligiimmik neqeroorutaasariaqartoq ataatsimiititaliaq isumaqarpoq, taamaattumik siunnersuutigineqartoq una neqeroorutaasoq matumunnga naapertuuttoq isumaqarfigalugu.

Aappariinnut namminneq kissaatiginngisamik meerartaarsinnaanngitsunut katsorsaanissamut neqerooruteqarnissamut piumasqaatit ersarissuusut Naalakkersuisut akissuteqaataanni allassimavoq. Siusinnerusukkut aaqqiisimaneq 2019-imi unitsinneqartumi, nakorsanit nalilivigineqarneq tunngavigalugu aappariit pingasoriarlutik katsorsarneqarnissamut

neqeroorfigineqartarput. Nalunaarsorneqarlutik aappariit arnat namminneq kissaatiginngisamik meerartaarsinnaanngitsut suaqatigiinnatik aappariinnut atugassarititaasut assigalugit ikkussivigineqarlutik kinguaassaqaalersinneqartalernissaat naatsorsuutigineqarpoq.

**Ataatsimiititaliap inassuteqaatai**

- Ataatsimiititaliap isumaqatigiittup siunnersuutip akuerineqarnissaa inassutigaa

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

---

Mala Høy Kúko  
Siulittaasoq

---

Björk L. Kristensen  
Siulittaasumut  
tulliugallartoq

---

Mikivsuk Thomassen

---

Eqaluk Høegh

---

Dines Mikaelen

---

Hans Peter Poulsen

---

Emanuel Nûko



Ilaqutariinnermut Peqqissutsimullu Ataatsimiititaliaq  
mika@ina.alla.gl aamma inatsisartut@inatsisartut.gl

UKA2022/82 IVF - aamma ICSI-mik ikiorserneqarsinnaanissaat pillugu apeqqummut  
akissuteqaat (reagensglas atorlugu katsorsaaneq)

20-04-2023  
Suliap normua 2023 - 6787  
All. nr. 22868121

1. *Neqeroorut atuutilerseqqinneqassappat suliarineqarnissamut suut  
piumasaqaataassappat?*

Postboks 1160  
Oqarasuaat: 34 50 00  
Fax: 34 55 05  
3900 Nuuk  
Email: [pn@naanoq.gl](mailto:pn@naanoq.gl)  
[www.naalakkersuisut.gl](http://www.naalakkersuisut.gl)

**Akissut:**

Aappariit ukioq ataaseq sinnerlugu najugaqatigiittut ataatsimullu meeraqanngitsut  
misissorneqarsinnaapput namminerlu kissaatiginngisamik  
meerartaarsinnaannginnermut katsorsarneqarlutik. Arnaq 38-it ataallugilluunniit  
ukioqarpat innersuunneqarfimmiit nakorsamit takussutissiinikkut nammineq  
kissaatiginngisamik meerartaarsinnaannginnermik katsorsaaneq  
aallartisarneqarsinnaavoq.

Ullumikkut Peqqinnissaqarfik aappariinnut nammineq kissaatiginngisamik  
meerartaarsinnaanngitsunut suliaritittarnissamut, tassanilu angutip arnallu nammineq  
kissaatiginngisamik meerartaarsinnaannginnerannik misissuinissamut, hormoninik  
nakorsaasersuineq aqputigalugu katsorsaaneermut aamma anisuut aqputigalugit  
siuarsaaffiusoq pillugu qulaajaanissamut killilimmik neqeroortarpoq. Anisooq  
aqputigalugu suliaritinnissamut iluatsissimangippat, neqeroorullu salliutinneqarpat  
atuutiqissappallu, Peqqinnissaqarfik Danmarkimi reagensglas atorlugu  
suliaritittarnissanut innersuussisinnaassaaq.

Reagensglas atorlugu katsorsaaneq eqqarsaatigineqartariaqartunik arlalitsigut  
kingunerluuteqarsinnaavoq, soorlu nalinginnaasumik aamma marlulissanik ernisut  
annertusinerat, siusippallaamik erninissamut aarlerinaateqarnera kiisalu  
alliatorniarnermikkut kingusissunik meerartaarneq. Taamaammat erninermi  
erninersiuteqartitsinermilu kiisalu sulisunik piginnaanngorsaanermi aningaasartuutit  
amerlanerunissaat naatsorsuutigisariaqarpoq. Tamatuma saniatigut Napparsimasut  
akunnittarfianut inissaqartitsiniarnermut artukkiissaaq taannalu unamminartorsioreerpoq.

2. *Aappariit qasseriarlutik suliaritissinnaanerannut Naalakkersuisut  
killiliisinnaappat?*

**Akissut:**

Naalakkersuisut reagensglas atorlugu katsorsaaneermik amerlassutsit killilersinnaavai,  
tamatumani Peqqinnissaqarfimmi sulisorisat pingaarnersiorneqarneranni ilaavoq.  
2019-mi aqqissuussami unitsinneqarsimasumi, aappariit nakorsamit  
nalilersorneqareernikkut, misileraanernik amerlanerpaamik pingasunik  
neqeroorfigitittarput.

3. *Neqeroorut atuutilersinneqassappat, meerartaarsinnaannginneq nappaatitut  
akuerineqarneranik kinguneqassava?*

**Akissut:**

Naalackersuisuniit Peqqinnissaqarfimmiillu nappaatit anniaataasutullu suussusersineqarsimasut ataasiakkaarlugit immikkoortillugit suliarineqarneq ajorput, kisianni Nunarsuaq tamakkerlugu peqqissutsimut kattuffiat WHO nappaatinut allattorsimaffianiittut atorneqarput (ICD-10). Naak Peqqinnissaqarfimmiit WHO-p nappaatit suussusersineqartartut atorneqartaraluartut, Peqqinnissaqarfiup aningaasatigut sinaakkuteqartinneqarnera apeqqutaalluni politikikkut tulleriaarinerit ingerlanneqartarput. Tamatuma nassataraa Peqqinnissaqarfimmiit kikkunntut tamanut nappaatilinnut anniaatilinnullu pisortatigoortumik taaneqarsimasunik sunilluunniit neqeroortoqarsinnaannginnera. Nappaatit anniaatilluunniit WHO-mit suussusersineqarsimappata, taava imaanngilaq Peqqinnissaqarfimmit imaaliallaannartumik katsorsaanissamut neqeroorutigineqarsinnaalertartut.

Aammattaaq § 37 nr. 195/2021-mut apeqqummut akissutit innersuussutigineqarput.

Aammattaaq apeqquut 1-mi matumani akissuteqaat takuuk, tamatumani Peqqinnissaqarfimmi aappariit nammineq kissaatiginngisamik meerartaarsinnaanngitsut pillugit maannamut neqeroorut atuuttoq nassuiarneqarpoq.

4. *Aappariit suaassuseq apeqqutaatinnagu suliaritinnissamut neqeroorfigineqartassappat?*

**Akissut:**

Arnat nalunaarsukkatut aappariit suaassuseqatigiinngitsutulli atugassarititaasa assinganik naartulersinneqarsinnaanerat naatsorsuutigineqarsinnaavoq.

Inussiarnersumik inuulluaqqusillunga  
Med venlig hilsen



Mimi Karlsen  
Meeqqanut, Inuusuttunut, Ilaqutariinnut Peqqissutsimullu Naalackersuisoq